



Planident: 10007
Datert: 26.04.11
Vedteke i kommunestyret: 14.11.11
Endra ved mre D 14/2012: 24.09.12
Endra ved mre D 8/2014: 14.08.14
Endra ved mre D 4/2015: 13.01.15
Endra ved mre D 5/2017: 21.03.17
Endra ved mre: 10.06.20
Endra ved mre: 26.04.23

FRÆNA KOMMUNE

REGULERINGSFØRESEGNER FOR

REGULERINGSPLAN - DETALJREGULERING

DALELIA 2

I medhald av §§ 12-5 og 12-6 i Plan- og bygningsloven gjeld desse reguleringsføresegnene for det området som på plankartet er avgrensa med reguleringsgrense.

§ 01 FORMÅL

Formålet med planen er justere tomter, veger og avkøyrslar i eksisterande reguleringsplan for Dalelia.

§ 02 GENERELT

Innafor planområdet skal areala disponerast til desse formåla og omsynssonene, jamfør Pbl. §§ 12-5 og 12-6:

Bygningar og anlegg

Frittliggjande bustader
Konsentrerte bustader
Barnehage
Energianlegg
Leikeplass

Samferdselsanlegg og teknisk infrastruktur

Køyreveg
Gang/sykkelveg
Gangveg
Annan veggrunn, grøntanlegg
Kollektivhaldeplass
Fortau

Grønstruktur

Friområde

§ 03 FELLES FØRESEGNER

3.1 Plankrav

- 3.1.1 Ved byggesøknad for heile området (veg, vatn, kloakk og fellesområde) skal det liggje ved ein plan som viser lengdeprofil og tverrsnitt på veg (terrengprofil). Plassering av brannkummar for kvart delområde skal gjerast i samråd med brannvernmyndet.
- 3.1.2 Ved byggesøknad for den einskilde tomt skal det leggest ved situasjonsplan i målestokk 1:500. Vedlagt søknad om oppføring av nye bygg skal teikningar vise eit typisk tverrsnitt av tomta i to retningar, plassering av bygningar med kotehøgde for ferdig golv, møneretning, parkeringsplassar og ev. framtidig garasje (garasjeplassering skal vere vist), ev. støttemurar, avkjørsle samt verdifulle tre.

3.2 Byggjegranser

- 3.2.1 Bygg skal plasserast innanfor byggjegranser som vist i planen. Dersom ikkje anna er vist skal plan- og bygningsloven gjelde.
- 3.2.2 I områda BK8 – BK10 er det regulert inn byggjegranser mot friområdet. Dette med bakgrunn i ei skredfarekartlegging for området, datert 11.05.16. Skredfarekartlegginga viser skredfare inntil byggjegransene.

3.3 Terrenginngrep

Nødvendige inngrep i eksisterande vegetasjon og terreng skal utførast skånsamt og beskyttast under anleggs- og byggjearbeidet. Alle skjeringar og fyllingar skal søkjast å gi ei utforming og overflate som dempar den visuelle effekten av inngrepa. Verdifulle tre som ikkje kjem i konflikt med bygg skal ikkje fjernast frå tomta.

3.4 Kulturminne

Dersom det under arbeid i området kjem fram gjenstandar eller andre leivningar som viser eldre aktivitet i område, skal arbeidet stansast og melding sendast kulturvernmynde jf. Lov om kulturminne.

3.5 Estetikk

Kommunen skal ved behandling av byggesaker sikre at bygga får ein god form i høve seg sjølv og omgjevnadene, og at bygga får ein heilskapleg og harmonisk utføring med omsyn til takvinkel, takform, storleik, farge og materiale.

3.6 Private avtalar

Etter at reguleringsføresegnene er sett i kraft, er det ikkje tillate ved private avtalar å etablere forhold som står i strid med desse føresegnene.

§ 04 BYGNINGAR OG ANLEGG

4.1 Frittliggjande bustader, B1 - B8

- 4.1.1 Området er sett av til einebustad.
- 4.1.2 Maks bebygd areal (BYA) for den einskilde tomt er sett til $BYA=250 \text{ m}^2$. Terrasse med høgde over 0,5 meter frå terreng skal reknast med i BYA.
- 4.1.3 Maks mønehøgde er sett til 7,5 meter, maks gesimshøgde er sett til 6 meter frå opphavleg terreng.

- 4.1.4 Det skal vere minst to biloppstillingsplassar pr. bueining, der minst ein kan vera garasje. Parkeringsarealet skal reknast med i BYA, og alle plassar skal vere tilgjengelege til einkvar tid.
- 4.1.5 Maks bygd areal (BYA) for frittstående garasje eller garasjedelen av bustad er sett til $BYA=50\text{ m}^2$. Garasjen kan ha ei maks mønehøgde på 5.5 m frå golv i portåpning. Takvinkel skal harmonera med eksisterande hus. Maks breidde på garasjebygg er sett til 6,5 meter.

4.2 Frittliggjande bustader, B9 - B12

Det er laga ei ny reguleringsplan med egne føresegner for området B9-B12. Plana heiter: Dalelia – Dalefaret Nord, planident 201310.

4.3 Frittliggjande bustader, B13 – B22 og B25 - B28

- 4.3.1 Området er sett av til einebustader med underetasje, der del av denne kan innreiest til sekundærleilegheit.
- 4.3.2 Der tomtestorleik og terreng ligg til rette for det, skal det byggjast underetasje. Del av underetasjen kan innreiest til sekundærleilegheit. Sekundærleilegheita skal vere vesentleg mindre enn hovudeininga. Maks storleik på sekundærleilegheita er sett til 30% av BRA av bustaden, men ikkje større enn 65 m^2 BRA.
- 4.3.3 Maks bebygd areal (BYA) for den einskilde tomt er sett til $BYA=250\text{ m}^2$. Terrasse med høgde over 0,5 meter frå terreng skal reknast med i BYA.
- 4.3.4 Maks mønehøgde er sett til 9 meter, maks gesimshøgde er sett til 7 meter frå gjennomsnittleg opphavleg terreng.
- 4.3.5 Det skal være minst to biloppstillingsplassar pr. bueining, der minst ein kan vera garasje. For sekundærleilegheit under 40 m^2 er ein plass tilstrekkeleg. Parkeringsarealet skal reknast med i BYA, og alle plassar skal vere tilgjengelege til einkvar tid.
- 4.3.6 Maks bygd areal (BYA) for frittstående garasje eller garasjedelen av bustad er sett til $BYA=50\text{ m}^2$. Garasjen kan ha ei maks mønehøgde på 5.5 m frå golv i «portåpning». Takvinkel skal harmonera med eksisterande hus. Maks breidde på garasjebygg er sett til 6,5 meter.

4.4 Frittliggjande bustader, B23 – B24

- 4.4.1 Området skal tilhøyre bustadtomtene i reguleringsplan for Haugli nord, planident 91091.
- 4.4.2 Føresegnene i gjeldande plan for Haugli nord skal gjelde.

4.5 Konsentrerte bustader, BK 1, BK4 –BK11

- 4.5.1 Området er sett av konsentrerte bustader. Det er tillate med fleirmannsbustader eller rekkehus.
- 4.5.2 Maks bebygd areal (BYA) for BK1, BK4 - BK11 er sett til % $BYA=30\%$. For BK6 er % $BYA=35\%$. Terrasse med høgde over 0,5 meter frå terreng skal reknast med i BYA.
- 4.5.3 Maks mønehøgde er sett til 9 meter, maks gesimshøgde er sett til 7 meter frå gjennomsnittleg opphavleg terreng.
- 4.5.4 Det skal være minst to biloppstillingsplassar pr. bueining, der minst ein kan vera garasje. For sekundærleilighet under 40 m^2 er ein plass tilstrekkeleg. Parkeringsarealet skal reknast med i BYA og alle plassar skal vere tilgjengelege til einkvar tid.

- 4.5.5 Det skal planleggjast og opparbeidast leikeplass i område BK1, BK4 – BK11. Leikeområde skal eigast, opparbeidast og haldast vedlike av bebruarane innanfor kvart område. Område BK4 og BK5 kan ha felles leikeområde.
- 4.5.6 Storleiken på leikeområdet skal være min 50m² per bueining. Bratt areal som vanskeleg kan nyttast til leikeplass eller som er smalare enn 10 meter skal ikkje reknast med.
- 4.5.9 Grunnarbeidet av leikeområdet skal være ferdig før byggjeløyve vert gitt.

4.6 Barnehage

- 4.6.1 Området er sett av til barnehage og det er tillate å setje opp bygningar og innretningar for å drive barnehage.
- 4.6.2 Parkeringsplassar for tilsette og for levering og henting skal plasserast innanfor tomtearealet.
- 4.6.3 Det skal leggjast til rette for offentleg snuplass inne på området.
- 4.6.4 Bygningar skal plasserast innanfor byggjegrænse.
- 4.6.5 %BYA skal ikkje overstige 20%.
- 4.6.6 Eksisterande vegetasjon på tomta skal i stor grad takast vare på.

4.7 Energianlegg

Område er sett av til energi, trafostasjon.

4.8 Leikeplass, L1 – L7

- 4.8.1 L1 er felles for alle bebruarane i B1 – B5 og B9 – B10 og skal eigast med ein ideell del kvar, opparbeidast og haldast ved lika av desse.
- 4.8.2 L2 er felles for alle bebruarane i B6 – B8 og B11 – B12 og skal eigast med ein ideell del kvar, opparbeidast og haldast ved lika av desse.
- 4.8.3 L3 er felles for alle bebruarane i B13 – B14 og B25 og skal eigast med ein ideell del kvar, opparbeidast og haldast ved lika av desse.
- 4.8.4 L4 er felles for alle bebruarane i B15 – B18 og skal eigast med ein ideell del kvar, opparbeidast og haldast ved lika av desse.
- 4.8.5 L5 er felles for alle bebruarane i B19 – B20 og skal eigast med ein ideell del kvar, opparbeidast og haldast ved lika av desse.
- 4.8.6 L6 er felles for alle bebruarane i B21 – B22 og skal eigast med ein ideell del kvar, opparbeidast og haldast ved lika av desse.
- 4.8.7 L7 er felles for alle bebruarane i B26 - B28 og skal eigast med ein ideell del kvar, opparbeidast og haldast ved lika av desse.
- 4.8.8 På leikeområdet skal det berre først opp bygg eller konstruksjonar som har med leik, idrett eller sport å gjere. Desse skal ikkje vere til hinder for fri ferdsel.
- 4.8.9 Det skal utarbeidast ein detaljert plan for heile området, jf. pkt. 3.1.2, i egna målestokk som leggast ved i samband med byggesøknad.

§ 05 SAMFERDSELSANLEGG OG TEKNISK INFRASTRUKTUR

5.1 Køyreveg, oV

Området er sett av til offentleg køyreveg.

5.2 Gang og sykkelveg, oGS

Området er sett av til offentleg gang og sykkelveg.

Gang og sykkelveg oGS4 mellom Haugli og Dalelia kan nyttast til buss og anna nyttetraffikk og tilgrensande bustader i Haugli. Det kan settast opp fysisk sperre for å hindre gjennomkøyring for andre.

5.3 Gangveg, fGV

Områda er sett av til felles gangveg. Områda skal opparbeidast og vedlikehaldas av brukarane. fGV2 kan nyttast som tilkomst til pumpestasjonen og den søre tomte i B7.

5.4 Annan veggrunn, grøntareal

Området er sett av til annan veggrunn, grøntareal. Ytterlegare behov for skjering og fylling skal dekkast av tilstøytane tomtegrunn.

5.5 Kollektivhaldeplass

Området er sett av til busshaldeplass.

5.6 Fortau

Området er sett av til offentleg fortau.

§ 06 GRØNSTRUKTUR

6.1 I friområda kan kommunen tillate oppføring av bygningar og terrenginngrep som fremjar området sin verdi som fri- og rekreasjonsområde. Unntak er området mellom BK8 og BK9/10.

6.2 Innanfor området er det ikkje tillate å sette opp bygg og andre innretningar, eller gjere unødige terrenginngrep som øydelegg området sin verdi som fri- og rekreasjonsområde. Det er tillate å bygge stiar, gangvegar, grøfter og leidningar.

§ 07 REKKJEFØLGJEKRAV

7.1 Det må søkast om byggjeløyve på veg, vatn og avlaup, jf. pkt. 3.1.2.

7.2 Opparbeiding av gang- og sykkelveg skal vera ferdig før utbygging av området vert sett i gong.

7.3 Grunnarbeidet av leikeområde skal vere ferdig før byggeløyve vert gitt. Område skal være planert ut og lagt til rette for leikeapparat.

7.4 Anna veggrunn som grøft, skjering og fylling skal opparbeidast og ferdigstillast samstundes med veganlegget.

7.5 Ved frådelling av tomt skal ideell del av leikeområdet følgje.

7.6 Leikeområde må frådelast før tomtene.